

Շոգովուրդ

30
(2880)

6 մարտի չորեքշաբթի 2024
տպագրության ԺԳ տարի

Է. Երեւան, Արուսյան 22ա/3 (0010)

+ 374 10 546423

info.armlur@gmail.com, info.zhoghovurd@gmail.com

100 դրամ

ԻՆՉՈՒՒ ԷԳՄՈՆ ՄԱՐՈՒՅԱՆԸ ԱԶԱՏՄԱՆ ԳԻՄՈՒՄ ԳՐԵՑ



Հայաստանի շուրջ տեղի ունեցող աշխարհաքաղաքական լուրջ զարգացումների ֆոնին Հայաստանի հատուկ հանձնարարություններով դեսպան Էդմոն Մարուքյանը օրերս հայտարարեց, որ ազատման դիմում է գրել:

Արդեն նախկին դեսպանը փակագծեր չէր բացել իր հրաժարականի պատճառների մասին՝ միայն իր գրառման մեջ ակնարկելով, թե արտաքին քաղաքական հարցերում տարածաշրջանային ունի գործող իշխանությունների հետ:

«Ժողովուրդ» օրաթերթին որոշ մանրամասներ են հայտնի դարձել Էդմոն Մարուքյանի հեռանալու պատճառների մասին: Այսպիսով, հիմնական պատճառն այն է, որ Մարուքյանը ամբողջությամբ տապալված է համարել Փաշինյանի իշխանության հնարած խաղաղության օրակարգը, դրա մասին Էդմոն Մարուքյանը հենց Նիկոլ Փաշինյանի մոտ էլ բարձրաձայնել է՝ ասելով, որ որտեղ առաջընթաց չկա բանակցություններում, իսկ խաղաղության օրակարգը տեղում դրվում է, փոխարենը Ադրբեջանը միակողմանի պահանջներ է դնում Հայաստանի առջև, որոնք Հայաստանը կատարում է:

Մարուքյանն իր շրջապատին բացատրել է, որ իր հեռանալու պատճառներից է եղել նաեւ այն, որ հայկական կողմը համաձայնել է կատարել Ադրբեջանի հերթական անհետեւ պահանջը, այն է՝ միջազգային բոլոր առյուծներից հրաժարվել Ադրբեջանի դեմ ներկայացված հայցերից:

Շուրջ օրում երկու երկրների միջև նախապես այս պայմանավորվածությունը ձեռք է բերվել փոխադարձության սկզբունքով, սակայն, ինչպես միշտ, Ադրբեջանը խախտել է այն ու չի հրաժարվում իր հայցերից, սակայն Փաշինյանը հրահանգել է հայկական կողմի պատասխանատուներին պատրաստել դիմումներ, որ հրաժարվեն Ադրբեջանի դեմ հայցերից:

«Ժողովուրդ» օրաթերթի տեղեկություններով՝ Էդմոն Մարուքյանի հեռանալու պատճառներից մեկն էլ եղել է իր թվիթերյան գրառումներից մեկը խոջալուի ջարդերի մասին, որից հետո Արարատ Միրզոյանի համակարգման տակ գտնվող ԱԳՆ-ից զանգել, նկատողություն են արել Մարուքյանին ու արգելել այլևս նման բնույթի գրառումներ անել:

Ավելին՝ մեր աղբյուրների փոխանցմամբ՝ Էդմոն Մարուքյանին հրաժարականի ակնարկն արվել է ոչ թե Փաշինյանի, այլ հենց ԱԳՆ-ի «շուրթերով»:

Ահա այս բոլոր իրադարձությունները կուտակել են կրքեր նաեւ Էդմոն Մարուքյանի «Լուսավոր Հայաստան»-ում: Բանը հասել է նրան, որ ԼՀԿ-ականները Մարուքյանից պահանջել են՝ պետք է հրաժարական տա կամ դեսպանի, կամ կուսակցության նախագահի պաշտոնից:

ԼՀԿ-ում ասել են, որ այս իշխանությունների օրոք պաշտոն զբաղեցնելը միայն վնասում է իրենց, ու թեեւ շատ հարցերում համաձայն չեն գործող իշխանությունների հետ, բայց չեն կարողանում բարձրաձայնել դրա մասին ու որպես իսկական ընդդիմադիր հանդես գալ:

Ահա արդյունքում Էդմոն Մարուքյանը որոշել է հրաժարվել ՀՀ հատուկ հանձնարարություններով դեսպանի պաշտոնից:

Հայաստանի Հանրապետության պետական պահպանության ծառայությունը (ՊՊԾ) 2024 թվականի հունվար ամսին ձեռք է բերել 1 մլն 568 հազար դրամ արժողությամբ գրասենյակային աթոռ, փոքր բազմօնցեր, դեկավարի բազմաթիվ, լրագրասեղան եւ սեղաններ: Ըստ պայմանագրերից մեկի՝ գնվել է 16 գրասենյակային աթոռ, որոնց մեկ հատը արժեցել է գրեթե 40 հազար դրամ. դրանց բնութագիրը հետևյալն է. «Կարկասը՝ օվալաձև մետաղից՝ գավառակապակով նիկելով, արմակակալները՝ մետաղական՝ երեսպատված բնական փայտով: Նստատեղը եւ թիկնակը մեկ ընդհանուր՝ 1,2մ հաստությամբ նրբատախտակից՝ երեսպատված բարձրորակ, 3սմ հաստությամբ սպունգով, պաստառապատված բարձրորակ շագանակագույն էլոկաշովով: Կարկասի խողովակները՝ միմյանց միացված զոդման եղանակով, իսկ բաց մասերը՝ փակված պլաստիկ կափարիչներով»: Առանձին պայմանագրով գնվել է 1 փոքր բազմօնց, որն արժեցել է 90 հազար դրամ: Բազմօնցի տեխնիկական բնութագիրը հետևյալն է. «Նվազագույն պարամետրերը. արտաքին չափերը LxHxB(սմ)՝ 180x80x92, կարկասը՝ փայտ, լամինացված ԴՍՊ, լամինացված ԴՎՊ, կոնֆիգուրացիա՝ չբացվող»: Երրորդ պայմանագրով, որի արժեքը կազմել է 839 հազար դրամ, գնվել է 6 աթոռ, լրագրասեղան եւ սեղաններ, որոնցից 4-ը արժեցել է 336 հազար դրամ, 1-ը՝ 11 հազար դրամ, 1-ն էլ՝ 492 հազար դրամ: Հավելենք նաեւ, որ նման ճոխ գնումներ կատարել է մի կառույց, որը գրեթե 1 տարի չունի ղեկավար, սակայն օրերս, վարչապետ Նիկոլ Փաշինյանի որոշմամբ, այդ պաշտոնում նշանակվեց ժամանակավոր պաշտոնակատար Արթուր Գասպարյանը: Երեւի ՊՊԾ-ն Գասպարյանին ուզում է դիմավորել նոր գույքով, դրա համար էլ թարմացնում են կահավորանքը:



Դատական համակարգում բուռն քննարկումներ են մասնավորապես, «Ժողովուրդ» օրաթերթին լուրեր հասան, որ չի բացառվում ՍԴ դատավորի թափուր տեղի համար Բալայանը կրկին առաջադրվի, սակայն դեռ վերջնական որոշում կայացված չէ: Հիշեցնենք՝ քանի որ իշխող ուժը՝ ԶԴ-ն, ԱԺ-ում բոլորտեց ՍԴ դատավորի պաշտոնում Դատավորների ընդհանուր ժողովի կողմից առաջադրված Դավիթ Բալայանի թեկնածության քվեարկությունը, դատավորները էլի պետք է հավաքվեն, կրկին պիտի ՍԴ դատավորի թեկնածու ընտրեն եւ ուղարկեն ԱԺ-ի հաստատմանը: Դատական համակարգում ակտիվ քննարկում են, թե ում ընտրեն, որ ԶԴ-ի սրտով լինի: Քաղաքական իշխանությունը իր «սրտի» թեկնածուին է փորձում առաջ տանել, իսկ դատական համակարգը չի հանձնվում եւ ամեն գնով իր թեկնածուին է առաջ տանելու: Մեզ հասած տեղեկությունների համաձայն՝ չի բացառվում, որ Հակակոռուպցիոն կոմիտեի նախագահ Սասուն Խաչատրյանի եղբայրը՝ Դավիթ Խաչատրյանը, կրկին առաջադրվի, որին դատավորները մի անգամ արդեն մերժել էին:



Ողջ իրավապահ համակարգը արդեն 10 օրից ավել է՝ գիշերը ցերեկ արած՝ փորձում է բացահայտել ԶԴ-ի գրասենյակի եւ ԶԴ-ական պատգամավոր Գուրգեն Արսենյանի գրասենյակի դիմաց հայտնված նռնակի կամ դրա մուլյաթի գործը պարզելու, թե ով կամ ովքեր են պայթուցիկ տեղադրողները, բայց ապարդյուն: Իրավապահ համակարգից «Ժողովուրդ» օրաթերթին հասած տեղեկությունների համաձայն՝ անգամ այս հարցով անհանգստացել են ԶԴ-ականները, թե ինչ նորություն կա. պատասխանը մեկն է եղել՝ աշխատում ենք, դեռ հստակ ոչինչ չկա: Ասել է թե՛ փնտրում են փնտրում, վարկածներ առաջ քաշում, բայց սալը տեղից չի շարժվում: Հիշեցնենք, որ փետրվարի 26-ին ԶԴ-ի գրասենյակից իրավապահներին զանգահարել է գրասենյակի քարտուղար Հասմիկը եւ հայտնել, որ գրասենյակի դիմաց տարօրինակ տոպրակ կա, խնդրում է իրավապահներին գալ եւ տեսնել, թե ինչ կա տոպրակի մեջ: Ավելին՝ ArmLur.am-ին հասած տեղեկությունների համաձայն՝ իրավապահները նախնական վարկածով պարզել են, որ պայթուցիկը ԶԴ-ի գրասենյակի դիմաց տեղադրել են հենց նույն օրը, երբ պայթուցիկ է տեղադրվել Գուրգեն Արսենյանի գրասենյակի շենքի մոտ: Փետրվարի 22-ին Միավորված աշխատանքային կուսակցության նախագահ, ԶԴ պատգամավոր Գուրգեն Արսենյանի կուսակցության շենքի մոտ էլ են պայթուցիկ գտել, աշխատակիցներն անգամ այն տարել էին ներս, չէր պայթել:



ՔԱՂԱՔԱԿԱՆ

ԶՐՈՒՅՑ

«ԴԱ ՄԻ ՍՈՒՐ ՄԱՅՐ Է, ՈՐԻ ՎՐԱՅՈՎ ՆԱ ԲԱՅԼՈՒՄ Է»

«Լուսավոր Հայաստան» կուսակցության խորհրդի նախագահ Գավիթ Խաժակյանը ArmLur.am-ի հետ զրույցում խոսել է ԵՄ անդամակցության, ՀԱԳԿ-ի հետ սահմանափակումների մասին:

«Պարոն Խաժակյան, Հայաստանը քաղաքական լրջագույն շրջադարձերի փուլում է կարծես, ու տպավորություն է, որ Հայաստանի իշխանությունները իրոք պատրաստվում են աշխարհաքաղաքական վեկտորի փոփոխության գնալ. հայտարարում են, որ Հայաստանը պատրաստ է Եվրամիության անդամության թեկնածու դառնալ, մյուս կողմից՝ Նիկոլ Փաշինյանը հայտարարում է, որ ՀԱԳԿ-ում ՀՀ անդամակցությունը սամեցված է: Ձեզ համար հասկանալի է ՀՀ իշխանությունների քայլերի բովանդակությունը:

«Իհարկե, ընդհանուր տրամադրությունները իշխանության հասկանալու համար կարելի է տարբեր պատգամավորների խոսքեր լսել, բայց չեմ կարծում, թե արտաքին քաղաքականության իրացման ընթացքում իմաստ ունի հենվել պատգամավորների խոսքերի վրա: Հասկանալի է, որ հիմնական քաղաքական գիծը ընտրում է վարչապետը, եւ պետք է հասկանալ՝ իր պատկերացումներն ինչպիսին են: Առայժմ ՀԱԳԿ-ից դուրս գալու մտադրության մասին չի հնչել, բայց, իհարկե, խոսույթի փոփոխություն կա. եթե մեկ տարի առաջ ասվում էր՝ մենք վախենում ենք, որ ՀԱԳԿ-ը դուրս չգա այս տարածաշրջանից, հիմա ասում են՝ դե եթե պետք լինի, դե ֆակտո սամեցված է, դե յուրե էլ կսամեցվի: Ենթադրելի է, որ խոսքը գնում է դուրս գալու մասին, բայց եթե մենք մի քիչ սպեկուլյատիվ փորձենք մտածել՝ ի վերջո պատրաստ է դրան իշխանությունը, պատրաստ չէ, ոչ, կարծում եմ, ներքին տիրույթում է ընկալվում, ոչ էլ արտաքին:

«Այդ դեպքում ինչպե՞ս բացատրել այս հայտարարությունը՝ ասում է՝ ըստ էության սամեցված է, ՀԱԳԿ-ի Նիստերին չի մասնակցում հայկական կողմը:



«Այո, դա սաբոտաժի մի տեսակ է, որը, իհարկե, կապված է ՀԱԳԿ-ի՝ իր պարտականությունները չկատարելու հետ, եւ սաբոտաժով Փաշինյանը փորձում է նաեւ աջակցություն բերել Արեւմուտքից, որը մասնակի ստացվում է, բայց դա մի սուր սայր է, որի վրայով նա քայլում է, որտեղ պետք է շատ ճշգրիտ գործողություններ անել, որովհետեւ, իհարկե, դու կարող ես

նման դեմարշեր իրականացնել եւ որոշակի օգուտներ ստանալ, բայց կտրուկ շարժումներն այստեղ վտանգավոր են: Այդ գործողություններն էլ իրենց հերթին պետք է հիմնավորված եւ ճիշտ պահին լինեն: Միշտ չէ, որ մի բան ճիշտ է անել հենց այդ պահին. պահի գործոնը քաղաքականության մեջ շատ կարեւոր է:

Զրույցը ՔՐԻՍՏԻՆԱ ՍՈՒՇԵՂՅԱՆԸ

ՆՈՐ ՄԱՐՏԱՅՐՈՎՎԵՐՆԵՐ

ԴՐՎԱԾ Է ՂՂ ԳՈՅՈՒԹՅԱՆ ՀԱՐՅԸ

«Առանց չափազանցներու, այս օրերին դրված է Հայաստանի ղեկավարության գոյության հարցը», - մարտի 5-ին՝ Չարենցավանում հանրության հետ հանդիպման ժամանակ, նեց ԱԺ «Հայաստան» խմբակցության ղապաճավոր Իւլիան Սաղաթէլյանը՝ հավելելով, որ Հայաստանի ռուրը ձեւավորվել է նոր մարտահրավերներով ու սղաճումով ինքնուրույն իրավիճակ, եւ դեֆ է քննարկել դրանից դուրս գալու ուղիները:

«Ցավոք, այն խնդիրները, որ մենք դրել ենք մեր առջեւ, դեռեւս լուծված չեն, ծանրագույն մարտահրավերները կանգնած են մեր առջեւ: Պատերազմից հետո ակնհայտ էր, որ ստեղծված իրավիճակից դուրս գալու, երկիրը պետական, ազգային դիմագիծ վերադարձնելու համար իշխանությունը, որը բերեց պարտություն, պետք է հեռանա: Նախորդ 3,5 տարիների ընթացքում մեր գլխավոր օրակարգը եղել է իշխանավորությունը, քանի որ այս իշխանությունների դեպքում հնարավոր չէ ստեղծված իրավիճակից դուրս գալ: Միակ էլքը սրանից ազատվելն է: Ցավոք, մեր օրակարգը մեծ համաժողովրդական աջակցություն չի ստացել: Թուրք-արդրեջանական տանդեմը Արցախում ցեղասպանություն իրականաց-

նելուց հետո արդեն, Հայաստանի տարածքային պահանջներից գատ, դնում է ինքնուրույն ոչնչացման խնդիր: ՀՀ իշխանությունները, սրան դիմագրավելու, դիմադրելու, սահմանները պաշտպանելու փոխարեն, հետեւողականորեն կատարում են Թուրքիայի ու Ադրբեջանի պահանջները:

Բացի դրանից, այս իշխանությունների արտաքին քաղաքականության արդյունքում Հայաստանը դարձել է աշխարհաքաղաքական ուժային կենտրոնների ազդեցությունների բախման գոտի: Հայաստանի դեկին ոչ հայկական իշխանություններ են, որոնք շարունակում են թշնամական ծրագրերը», - ասաց Սաղաթէլյանը: Խոսելով նոր Սահմանադրություն ընդունելու իշխանության ծրագրերից՝ նա ասաց, որ դա Թուրքիայի ու Ադրբեջանի պահանջն է, եւ դա կործանման ճանապարհ է: «Մենք պետք է կազմակերպենք ժողովուրդին, դուրս գանք պայքարի եւ այդ հանրաքվեն վերածենք այս իշխանության անվստահության հանրաքվեի եւ դրանից անմիջապես հետո հասնենք իշխանավորության: Մենք նույնիսկ չպետք է թոյլ տանք, որ այդ հանրաքվեն տեղի ունենա: Սա մեկ ճանապարհ է:

Երկրորդը՝ գիտեք, որ Ադրբեջանի հետ ընկալվում է կապիտուլյացիայի պայմա-

նագրի ստորագրման հարց: Սա ներկայացնում են իբրեւ խաղաղության պայմանագիր: Այդ փաստաթղթին մենք ծանոթ ենք: Դա խաղաղության հետ կապ չունեցող փաստաթուղթ է, այնտեղ չկա որեւէ կետ, որ մեր օգտին է: Այդ փաստաթղթով Ադրբեջանը չի ճանաչում Հայաստանի 29 800 քվմ տարածքը: Դրանով նույնիսկ սահմանագծման են սահմանազատման հարցը չի լուծվում, դա թողնում են հետագային: Կարճ ասած, դա մի փաստաթուղթ է, որով Արցախի օկուպացիան փորձում են լեգիտիմացնել, եւ դրանով չի զսպվում Ադրբեջանի հետագա ագրեսիան», - ընդգծեց իշխան Սաղաթէլյանը:

Նա նկատեց, որ այսօր չկա որեւէ փաստաթուղթ, որով Արցախը մնալու է Ադրբեջանի կազմում: «Արցախն այսօր էթնիկ գտման հետեւանքով թշնամու ենթակայության տակ է: Նիկոլ Փաշինյանի բանավոր հայտարարությունները իրավական ու լեգիտիմ հիմք չեն: Դրա համար է Ադրբեջանը շտապում, որ ունենա իրավական փաստաթուղթ, որը կվավերացվի նաեւ ՀՀ ԱԺ-ի կողմից, որ օրինականացվի արցախահայության նկատմամբ իրականացրած ցեղասպանությունը: Եթե այս ամենին լինի համարժեք հակազդեցություն, մենք միասնաբար սա կկանխենք», - ասաց ընդդիմադիր գործիչը:



ԵՄ-Ն ՄԱՏԱՐՈՒՄ Է



ՄԱԿ-ի մարդու իրավունքների խորհրդի 55-րդ նիստում ԵՄ պատվիրակության ներկայացուցիչն իր ելույթում անդրադարձել է աշխարհի տարբեր կետերում մարդու իրավունքների իրավիճակին, այդ թվում՝ Ադրբեջանի կողմից Արցախում իրականացված էթնիկ զտմանը: Հայտարարության մեջ, մասնավորապես, ասվում է. «ԵՄ-ն ընդգծում է իր շարունակական աջակցությունը Հայաստանի եւ Ադրբեջանի միջեւ կայուն ու տեսական խաղաղության հաստատմանը, որը հիմնված է ինքնիշխանության, սահմանների անձեռնմխելիության եւ տարածքային ամբողջականության ճանաչման սկզբունքների վրա՝ 1991 թվականի Ալմա-Աթայի հռչակագրին իրենց հանձնառության համաձայն:

ԵՄ-ն լիովին հավատարիմ է մնում Բրյուսելի կարգավորման գործընթացի միջոցով այդ նպատակին ուղղված ջանքերը դյուրացնելուն եւ կողմերին կոչ է անում բարեխղճորեն ներգրավվել գործընթացում: ԵՄ-ն հավասարապես ընդգծում է Ղարաբաղի հայերի իրավունքների եւ անվտանգությանն ապահովման, ինչպես նաեւ փախստականների եւ տեղահանվածների՝ Լեռնային Ղարաբաղ կամավոր, անվտանգ, արժանապատիվ եւ կայուն վերադարձի համար պայմանների ստեղծումը, մասնավորապես՝ իրենց տներում արժանապատիվ ապրելու իրավունքը՝ առանց սիստեմային կամ խտրականության:

Բացի այդ, տեղի բնակչության մշակութային ժառանգությունը եւ սեփականության իրավունքները պետք է արդյունավետորեն պաշտպանվեն եւ երաշխավորվեն: Բացի այդ, չափազանց կարեւոր է ՄԱԿ-ի Արդարադատության միջազգային դատարանի իրամանների լիարժեք կատարումը»:

ՊԵՏՔ Է ԸՆԴՈՒՆԵՐ

Թուրքիայի նախկին փոխվարչապետ, նախկին ԱԳ նախարար եւ ընդդիմադիր ժողովրդահանրապետական կուսակցության նախկին նախագահ Հիքմեթ Չեթինը սկանդալային հայտարարություն է արել լրատվամիջոցի հետ հարցազրույցում:

Թուրքական Artigercek-ի հետ զրույցում Հիքմեթ Չեթինը հայտարարել է, որ Թուրքիայի իշխանությունները պետք է հասարակությանը ներկայացնեն Դերսիմի կոտորածները եւ 1915-ի դեպքերը: Նա նշել է, թե պետությունը պետք է նշեր, որ շատ տխրեցնող դեպքեր են տեղի ունեցել, եւ ներողություն խնդրեր:

Հիքմեթ Չեթինը հիշեցրել է, որ իր որպես ԱԳ նախարար պաշտոնավարման ժամանակ է Հայաստանը անկախացել, եւ Թուրքիան առաջին երկրներից է եղել, որ ճանաչել է Հայաստանի անկախությունը:

ՀՀ ԵՊԿՊՏՈՍ

ՀԱՄԱԳՈՐԾԱԿՑՈՒԹՅՈՒՆ՝ ՆԱԵՎ ՆՈՐ ՈՒՈՐՑՆԵՐՈՒՄ

ՕԳՆՈՒԹՅՈՒՆ՝ ԳԱԶԱՅԻՆ



«Հայաստանը ցավում է Գազայում ռազմական գործողությունների սրման հետեւանքով տասնյակ հազարավոր անմեղ զոհերի փաստի կապակցությամբ»,- մարտի 5-ին՝ Կահիրեում Եգիպտոսի Արաբական Հանրապետության նախագահ Աբդել Ֆաթթահ ա-Սիսին հետ հանդիպումից հետո, իր հայտարարության մեջ նշել է ՀՀ վարչապետ Նիկոլ Փաշինյանը:

Նա նաեւ նշել է. «Մենք ինքներս վերապրել ենք քաղաքացիական բնակչության եւ քաղաքացիական ենթակառուցվածքների նկատմամբ հարձակումների արհավիրքը եւ միանում ենք Գազայում անհապաղ հրադադար հաստատելու միջազգային հանրության կոչերին: Այս հարցում բարձր ենք գնահատում Եգիպտոսի կողմից իրականացվող քայլերը՝ մարդասիրական օգնության անխափան մուտքը Գազա ապահովելու, վիրավոր պաղեստինցիներին ընդունելու եւ օտարերկրացիներին տարհանելու հարցերում:

Մենք նաեւ քննարկեցինք եւ Եգիպտոսի մեր գործընկերների աջակցության ու խորհրդատվության կարիքը ունենք՝ մեր կողմից հումանիտար օգնություն Գազա հասցնելու հետ կապված, եւ շնորհակալություն նախագահ ա-Սիսին այս հարցում օգնության պատրաստակամության համար: Արագործ-նախարարներն այս հարցով կգեղարկեն: Ինչ վերաբերում է պաղեստինա-իսրայելական հակամարտությանը, ապա Հայաստանը մշտապես աջակցել է միջազգային հանրության կողմից որդեգրած «երկու պետությունների» սկզբունքին»:

ՄԱՀՄԱՆԸ ԲԱՅ Է

Ռուս գործընկերները չեն հաստատում տեղեկությունը, որ Ռուսաստանը որոշել է մարտի 6-ից արգելել հայկական մեքենաների անցումը Վերին Լարս անցակետով: Այս մասին մարտի 5-ին ԲԴ-ում ՀՀ դեսպանության Վերին Լարսի անցակետում գտնվող մաքսային կցորդ Վահան Հակոբյանը մեկնաբանելով լրատվամիջոցների համապատասխան տեղեկատվությունը:

«Ես ծանոթ եմ այս տեղեկատվությանը, որը տարածվել է լրատվամիջոցներով, սակայն ռուս գործընկերներն ասացին, որ նման խոսակցություններ կամ հրահանգներ չեն եղել: Նրանք հավելեցին, որ այս մասին առաջին անգամ են լսում:

Այս պահին սահմանափակումներ չկան, սահմանը բաց է, բեռները գրանցվում են: Ոչ մի խոչընդոտ չկա»,- նշել է Հակոբյանը:

Նա ասաց, որ անցակետում մեքենաների կուտակումներ չկան, ճանապարհը բաց է, մեքենաներն անցնում են սովորականի պես:

«ՀՀ վարչապետի՝ Եգիպտոս կասարած այցը հաստատում է երկու կողմերի հետաքրքրությունն ու վճռականությունը համագործակցության զարգացման եւ ամրադնդման ճանապարհին: Այդ համագործակցությունը կիրացնի երկու ժողովուրդների ցահերը՝ նաեւ հենվելով դասական երկարամյա հարաբերությունների վրա, որոնք կաղում են երկու երկրներին»,- ՀՀ վարչապետ Նիկոլ Փաշինյանի հետ հանդիպումից հետո հայտարարել է Եգիպտոսի Արաբական Հանրապետության նախագահ Աբդել Ֆաթթահ ա-Սիսին՝ հավելելով, որ հազարավոր հայեր աղեր են Եգիպտոսում եւ իրենց նույնպես բերել Եգիպտոսյան հասարակության զարգացման մեջ արբեր դրոհներում ֆաղափական, ճնշման, մակաբանության եւ արվեստի:

«Այսօր մեր կողմից անցկացրած բանակցությունները հաստատել են երկու երկրների սպասումները, որպեսզի ավելացնենք առեւտրաշրջանառության ծավալները, ինչպես նաեւ ուժեղացնենք ներդրումային գործընթացը երկու կողմերի միջեւ, ինչը կհամապատասխանի երկու երկրների միջեւ առկա քաղաքական հարաբերությունների մակարդակին: Համագործակցությունը կարող է զարգանալ նոր ոլորտներում եւս, մասնավորապես, տեղեկատվական տեխնոլոգիաների, արհեստական բանականության, սննդային եւ դեղագործական արդյունաբերության: Նաեւ այսօրվա խորհրդակցությունների ընթացքում հաստատել ենք Եգիպտոսյան փորձի փոխանակման պատրաստակամությունը՝ ենթակառուցվածքների, շինարարության, տրանսպորտի եւ էլեկտրաէներգիայի արտադրության ոլորտներում: Ինչպես նաեւ մենք օգուտ կքաղենք հայկական փորձից, կոնկրետ հայկական այն ընկերություններից, որոնք աջք են ընկնում արհեստական բանականության ոլորտում»,- ասել է ա-Սիսին:

Քննարկումների ընթացքում առանձնահատուկ կերպով ընդգծվել է տնտեսական եւ տեխնիկական համագործակցության ոլորտում երկկողմ հանձնաժողովների համատեղ նիստերի կիրառման անհրաժեշտությունը:

ՄՊԱՐԱՊԵՏ

«ՔՈՒ ՄԱՐԲԱԾԸ ՄԵՆՔ ԲԱՆԴԵԼ ԵՆՔ»

«Վազգեն Սարգսյանը՝ որդես առաջնորդ, միասնականության խորհրդանիշ է, եւ նրա կերպարի մեջ մեզմ դեմ է ճանցնում մեր բոլոր մարտական ընկերներին, այսեղ հանգչող բոլոր հրամանատարներին ու զինվորներին»,- մարտի 5-ին «Եռաբլուր» զինվորական դաճնեցում լրագրողների հետ զրույցում անց «Հայաստան» խմբակցության ղեկավար, դաճնեցության նախկին նախարար Սեյրան Օհանյանը:

«Այնտեղ, որտեղ Վազգեն Սարգսյանն էր հայտնվում, այնտեղ միանշանակ մթնոլորտ էր ձեւավորում, համախմբվում էին եւ պատրաստ էին գործելու, աշխատելու, պայքարելու:

Մենք Վազգեն Սարգսյանի ժամանակ ձեռք ենք բերել արժեքներ, որոնք պետք է պահպանել: Հենց այնպես ոչինչ չի լինում, պետք է պայքարել: Եթե մենք թույլ լինենք, հակառակորդը, այսօրվա տարածաշրջանի դերակատարները, թուրք-ադրբեջանական տանդեմը անընդհատ



Եգիպտոսի նախագահը ՀՀ վարչապետին ներկայացել է այն ջանքերը, որոնք Եգիպտոսը գործադրում է Գազայի օկուպացված հատվածում, ինչպես նաեւ արեւմտյան ափում հրադադարի հասնելու համար, որով հնարավորություն կստեղծվի պաղեստինյան հիմնահարցում ինքնավար Պաղեստինի Հանրապետության ձեւավորմանը 1967 թվականի հունիսի 4-ի սահմանագծի հիման վրա, եւ նրա մայրաքաղաքը կլինի Արեւելյան Երուսաղեմը:

«Անհրաժեշտ է տարածաշրջանում խաղաղություն հաստատել՝ պատերազմի եւ ավերածությունների փոխարեն: Ինչպես նաեւ այս բանակցությունների ընթացքում հաստատել ենք Եգիպտոսի աջակցությունը ցանկացած նախաձեռնությունների, որոնք ձգտում են խաղաղության եւ կայունության հաստատմանը

Հարավային Կովկասի տարածաշրջանում: Մենք մեր ամբողջական աջակցություն ենք հայտնում երկխոսությանը եւ բանակցային պրոցեսին՝ ձգտելով համապարփակ, արդարացի խաղաղության հաստատմանը: Սա կստեղծի նոր փուլ՝ աճի եւ զարգացման, ինչը կծառայի տարածաշրջանի ժողովուրդների շահերին: Ես իմ հույսն եմ հայտնում, որ այս այցով կլինի շատ կարեւոր քայլ, որպեսզի երկու բարեկամ երկրների միջեւ բոլոր ոլորտներում ամրապնդվի եւ հզորանա համատեղ համագործակցությունը, ինչը կհարստացնի հարաբերությունները եւ պատմական կապերը, որոնք համախմբում են երկու երկրների ժողովուրդներին: Շնորհակալություն, մեծարգո՝ պարոն վարչապետ»,- եզրափակել է իր խոսքը Եգիպտոսի նախագահ Աբդել Ֆաթթահ ա-Սիսին:

մեզ ճնշելու են, իսկ այսօր մենք այդ թուլությունը տեսնում ենք ՀՀ իշխանությունների մոտ: Նրանք ժողովուրդին համոզում են, որ պետք է համակերպվել: Ես առավել քան վստահ եմ, որ եթե այսօրվա իշխանությունները լինեին արցախյան առաջին պատերազմի ժամանակ, այն ժամանակ էլ էինք մենք պարտվելու:

Վազգեն Սարգսյանի ժամանակ մենք ֆիզիկական ջոկատներից ձեւավորել ենք կանոնավոր բանակ, նրանք զինել ենք: Այդ սպառազինության մեծ մասը ձեռք ենք բերել մեր ռազմավարական գործընկերներից: Այն ժամանակ էլ որեւէ արգելք չի եղել որեւէ երկրից ձեռք բերել սպառազինություն, եւ որքան հնարավոր է եղել, կարողացել ենք ձեռք բերել: Մեր սպառազինության զգալի մասը մենք ուղղակի խլել ենք հակառակորդից որպես ավարմարտական գործողությունների ժամանակ»,- ասաց Սեյրան Օհանյանը:

Նրա խոսքով այս իշխանությունների ժամանակ այդ կանոնավոր բանակը դարձավ անկանոն կազմակերպություն: «Այլ

կերպ չի կարելի ասել, երբ երկրի վարչապետն ասում է՝ ով ինչ ունի տանը, թող վերցնի, գնա մարտական գործողությունների մասնակցի: Մոբիլիզացիա չկազմակերպվեց, եւ բանակին թիկունք չկանցնեցին: Ի վերջո, այն սպառազինությունը, որ մենք ձեռք էինք բերել ռազմատեխնիկական համագործակցությամբ եւ որպես ավար, որպես ավար հանձնվեց հենց նույն հակառակորդին:

Ու երբ այսօր գալիս են, ձեւական ծնկի են իջնում սպարապետի շիրիմի առջեւ, դրա փոխարեն իրենք պետք է ամրապնդեին մեր բանակը, մեր պաշտպանությունը:

Այսօր այցելելով սպարապետի շիրիմին՝ մենք ասում ենք՝ քո գործը անարար է, եւ մենք շարունակելու ենք, իսկ այսօրվա իշխանությունները խոստովանում են Սպարապետին՝ Սպարապետ, քո ամեն ինչը, քո ձեռքբերումները, քո սարքած մենք քանդել ենք եւ այսօր էլ ծնկի իջած կերպով հանձնվում ենք հակառակորդի պահանջներին»,- ասաց Սեյրան Օհանյանը:

ԵՐԵՎԱՆՑԻՆԵՐԸ՝ ԼՈՌԻՈՒՄ

ԹՄՐԱՇՐՋԱՆԱՌՈՒԹՅՈՒՆ՝ ՀԱՄԱՅԱՆՑՈՎ

2024թ. փետրվարի 29-ին ոստիկանության Ստեփանավանի բաժնում օդերասիվ սեղեկություններ են ստացվել այն մասին, որ երկու երիտասարդ կադույս գույնի «Chevrolet Volt» մակնիշի ավտոմեքենայով Լոռու մարզի Ստեփանավան քաղաքի սարբեր հասկածներում սեղադրել են քնամիջոցներ եւ բջջային հեռախոսով նկատել են սեղադրման վայրերը՝ հեռազայում համացանցով վաճառելու համար:



Ձեռնարկված օպերատիվ միջոցառումների արդյունքում ոստիկանության ծառայողների կողմից Լոռու քաղաքում ստեղծված անօրինակ վաճառքի կետերը փակվել են Ստեփանավան քաղաքի «Ջորագետի կիրճ» կոչվող տեղանքում եւ տեղափոխվել ոստիկանության բաժին: Պարզվել է, որ վերջիններս Երեւան քաղաքի 29 եւ 37 տարեկան բնակիչներ են:

Դեպքի առթիվ ՀՀ քննչական կոմիտեի Լոռու մարզային քննչական վարչության Ստեփանավանի քննչական բաժնում Լոռու քաղաքում ստեղծվել է քրեական վարույթ՝ ՀՀ քրեական օրենսգրքի 393-րդ հոդվածի 2-րդ մասի 1-ին կետով:

Նշված տղամարդիկ, առերեսույթ իրացման նպատակով առանձնապես խոշոր չափերով թմրամիջոց իրացնելու անմիջակայս ծագած հիմնավոր կասկածի հիմքով, ձերբակալվել են:

Նախաքննության շրջանակում իրականացված վարույթային եւ ապացուցողական գործողությունների, օպերատիվ-հետախուզական միջոցառումների արդյունքում փաստական տվյալներ են ստացվել այն մասին, որ նշված անձինք նախնական համաձայնությամբ «Տելեգրամ» հավելվածում գրանցված համապատասխան կայքէջի օգտատիրոջ կողմից նախօրոք ուղարկված Արտաշատ քաղաքի վարչական տարածքում գտնվող տեղակայման վայրից 2024թ. փետրվարի 24-ից 25-ին քննությամբ դեռուս չափերով անմիջ իրացման նպատակով ապօրինի ձեռք են բերել ընդհանուր 19,42 գրամ քաշով 34 առանձին, սեւ եւ սպիտակ փաթեթներում փաթեթավորված «Մարի-խուանա» տե-

սակի թմրամիջոցներ, որոնք փետրվարի 29-ին ավտոմեքենայով տեղափոխել են Լոռու մարզ: Հետագայում վարձատրություն ստանալու նպատակով առանձնացված փաթեթները նրանք տեղադրել են Ալավերդի, Ստեփանավան քաղաքների տարբեր վայրերում, որոնք հայտնաբերվել են վերցվել են համապատասխան քննչական գործողության արդյունքում:

Դատարանի որոշման հիման վրա՝ խուզարկություն է կատարվել նաեւ «Chevrolet Volt» մակնիշի ավտոմեքենայում, որտեղ հայտնաբերվել է վերցվել են ինքնակաշուն ժապավեններով փաթեթավորված ընդհանուր շուրջ 498.11 գրամ քաշով «Մարիխուանա» տեսակի թմրամիջոցների նմանվող զանգվածներով 385 փաթեթ, ինչպես նաեւ ապակյա սրվակներով հեղուկներ, մետաղյա տարաներ, որոնց մեջ առկա են եղել կասկածելի փոշենման զանգվածներ: Ավտոմեքենայի

խուզարկությամբ հայտնաբերված զանգվածների պարունակությունը պարզելու նպատակով նշանակվել են համապատասխան փորձաքննություններ:

Ձեռք բերված փաստական տվյալների հիման վրա՝ նշված երկու երիտասարդներին մեղադրանք է ներկայացվել՝ ՀՀ քրեական օրենսգրքի 393-րդ հոդվածի 2-րդ մասի 1-ին եւ 3-րդ կետերով:

Միջնորդություն է ներկայացվել դատարան՝ նրանց նկատմամբ կալանքը որպես խափանման միջոց ընտրելու վերաբերյալ, որը բավարարվել է:

Նախաքննությունը շարունակվում է, միջոցներ են ձեռնարկվում իրացման նպատակով առանձնապես խոշոր չափերով թմրամիջոցների ապօրինի շրջանառության մեջ ներգրավված այլ անձանց ինքնությունը, ինչպես նաեւ դեպքի մյուս հանգամանքները լիարժեք պարզելու նպատակով:

ԱՎՏՈՎԹԱՐ

ԿԱՆԱՆՑ ԲԱԽՈՒՄԸ



SHAMSHYAN.com-ի տեղեկություններով՝ փետրվարի 28-ին վիճաբանություն է տեղի ունեցել Երեւանում: Ժամը 14:00-ի սահմաններում ՀՀ Ներքին գործերի նախարարության ոստիկանության օպերատիվ կառավարման կենտրոն է զանգահարել Երեւանի բնակիչ 47-ամյա Նարինե Մ.-ն եւ հայտնել, որ Մեսրոպ Մաշտոցի պողոտա եւ Ամիրյան փողոցի խաչմերուկում բախվել են իր «Range Rover» եւ մեկ այլ վարորդի «Լադա» մակնիշի ավտոմեքենաները, իսկ երբ ինքն իր ավտոմեքենայի ներսում հեռախոսով խոսել է ԱՊՊԱ աշխատակցի հետ, «Լադա»-ի վարորդը քաշել է 6անկմել է իր ձեռքերը՝ պահանջելով դրոսում խոսել, իսկ ինքը իջնելուց պատահաբար կանգնել է նրա ոտքին:

Ինչպես հայտնում է ֆոտոլրագրող Գագիկ Շամշյանը, կարճ ժամանակ անց ոստիկանություն ահազանգ է ստացվել «Լադա»-ի վարորդ, Երեւանի բնակիչ 31-ամյա Էլիզաբետ Մ.-ից, որը հայտնել է, որ «Range Rover»-ի վարորդը ոտքով հարվածել է իրեն:

Դեպքի վայր է մեկնել ՀՀ ՆԳՆ ոստիկանության կենտրոնական բաժնի հերթապահ խումբը՝ օրվա պատասխանատուի գլխավորությամբ:

Ժամանել են նաեւ ՀՀ ՆԳՆ ոստիկանության պարեկային ծառայության Երեւան քաղաքի գնդի 2-րդ գումարտակի 2-րդ վաշտի ծառայողները՝ գումարտակի հրամանատար Արսեն Ստեփանյանի, գումարտակի հրամանատարի տեղակալ Դավիթ Նիկողոսյանի գլխավորությամբ:

Ոստիկաններն ու պարեկները Մաշտոցի պողոտա եւ Ամիրյան փողոցի խաչմերուկից ֆիզիկական ներգործություն կատարելու հիմնավոր կասկածով ձերբակալել են բաժին են տեղափոխել երկու վարորդներին:

Դեպքի փաստով ՀՀ ՆԳՆ ոստիկանության կենտրոնական բաժնում փաստաթղթեր են կազմվել, որոնք փոխանցվել են Հայաստանի քննչական կոմիտեի Երեւան քաղաքի քննչական վարչության Կենտրոն եւ Նորք-Մարաշ վարչական շրջանների քննչական բաժին, որտեղ դեպքի փաստով նախաձեռնվել է քրեական վարույթ:

Ծանուցում. ենթադրյալ հանցանքի մեջ կասկածվողը կամ մեղադրվողը համարվում է անմեղ, քանի որ նրա մեղավորությունը ապացուցված չէ ՀՀ քրեական դատավարության օրենսգրքով սահմանված կարգով՝ դատարանի օրինական ուժի մեջ մտած դատավճռով:

ՔՐԵՎԱԿԱՆ ՔՐՈՆԻԿՈՍ

ՊԱՅԹՈՒՑԻԿ Է ՆԵՏԵԼ

Քր-ական պատգամավոր Գագիկ Մելքոնյանի հարեւանի տուն պայթուցիկ նետած անձանցից մեկին իրավապահները հայտնաբերել են, ու խափանման միջոց է ընտրվել կալանավորումը: Փորձեցինք տեղեկությունը պարզել ՆԳՆ-ից, որտեղից ի պատասխան՝ հայտնեցին, որ մեկ անձ կա կալանավորված, եւ այլ մանրամասներ չհայտնեցին:

ArmLur.am-ին հասած տեղեկությունների համաձայն՝ կալանավորվածը խոստովանել է, որ ինքն է պայթուցիկը նետել, իսկ թե ինչ նպատակով, նախաքննությանը չվնասելու համար այս պահին չենք իրապարակում:

ArmLur.am-ը գրուցել էր Նոյ թաղամասի 143/1 տան բնակիչ Արթուր Բաղդասարյանի հետ, որի տան բակում ենթադրյալ հանցագործները պայթուցիկ կայրել են նետել: Վերջինս մեզ հետ գրուցում հայտնեց, որ դեպքը ոչ իր հարազատների, ոչ ընտանիքի անդամների հետ չի կարող առնչություն ունենալ: Ավելին՝ վստահեց-

րեց, որ դեպքից առաջ որեւէ միջադեպ չի եղել, որից դրված՝ ենթադրյալ հանցագործները կարող էին գալ ու իր բակ պայթուցիկ կայրել: Իսկ թե ինչն են հատկապես իր բակ նետել, Արթուր Բաղդասարյանը նշեց, որ միգրացիոն կատարվածը թյուրիմացություն է, ու ամեն ինչ կարգ էն իրավապահները:

ArmLur.am-ին հասած տեղեկությունների համաձայն՝ իրավապահ մարմինները պարզել են, որ փետրվարի 10-ին ՔՊ խմբակցության պատգամավոր Գագիկ Մելքոնյանի տան մոտակայքում ռումբի տեղադրումը որեւէ առնչություն չունի նրա գործունեության կամ, առնասարակ, նրա ընտանիքի անդամների հետ: Իրավապահները պարզել են, որ ինքնաշեն պայթուցիկը տեղադրել են Մելքոնյանի հարեւաններին վախեցնելու կամ որեւէ բան հասկացնելու համար:

ArmLur.am-ին հասած տեղեկությունների համաձայն՝ ենթադրյալ հանցագործները պայթուցիկը գցել են Նոյ թաղամասի 143/1 տան բակ, որը պայթել է, վնասել է Արթուր Բաղդասարյանի տան ապակիները, նրան հասցրել են մոտ 350 հազար դրամի վնաս:

ԾԵԾԿՈՏՈՒՔ՝ ՄԵՎԱՆՈՒՄ

ArmLur.am-ին հասած տեղեկությունների համաձայն՝ Սեւանի թերակղզում մի խումբ մարդիկ անխնա ծեծել են միմյանց, բանը հասել է դանակահարությանը: Դեպքի վայր են գնացել իրավապահները եւ պարզել են, որ Սեւանի թերակղզու հրապարակում ծեծկռուք է տեղի ունեցել Ս. Սողոմոնյանի, Ն. Սողոմոնյանի, Ա. Ալեքսանյանի միջեւ, որի ժամանակ ծեծկռուքն այն աստիճանի է թեժացել, որ դանակով հարվածել են Ս. Սողոմոնյանին, եւ նրան դանակահարված տեղափոխել են հիվանդանոց:

Իրավապահները ձերբակալել են Ա. Ալեքսանյանին: Իսկ ինչի՞ց է սկսվել կռիվը:

Ըստ նախնական վարկածի՝ վիճաբանողները Սեւանի թերակղզում մոմավաճառությամբ են զբաղվում, վիճաբանել են միմյանց հետ, որից հետո հանել են դանակը ու դանակահարել վեճի մասնակիցներին:

ՔՍՈՒ ՄԱՆՈՒԿՅԱՆ

● Ըստ ոստիկանության տվյալների՝ մարտի 1-ից մարտի 4-ը ՀՀ ՆԳՆ ոստիկանության ստորաբաժանումները բացահայտել են հանցագործության 205 դեպք, որից 4-ը՝ նախկինում կատարված:

ՀԱՍԱԽԱԶՈՒԹՅՈՒՆ

ՄԱՐԶ

ԿՈՂՄ ԵՆ ԾՐԱԳՐԻՆ

Փետրվարի 29-ին Իջեան համայնքի սահմանամերձ Վազաշեն բնակավայրի վարչական ղեկավարի նստավայրում տեղի են ունցել «Էյթի Գրուպ» ՍՊԸ-ի կողմից ներկայացված Վազաշենի ոսկի-բազմամետաղային հանքերեական տեղամասի երկրաբանական ուսումնասիրության աշխատանքների շրջակա միջավայրի վրա ազդեցության նախնական գնահատման հայտի վերաբերյալ հանրային քննարկումներ: Սա երկրորդ քննարկումն էր Վազաշենում: Հայցվող տարածքը գտնվում է Վազաշեն գյուղից 1,5-1,6 կմ հարավ արեւելք, երեսկման տարածքում առանձնացվում է Կարմիր քարի տեղամասը: «Էյթի Գրուպ» ՍՊԸ-ն նախատեսում է հետախուզումն իրականացնել երկրաբանական երթուղիների, մետաղական սյունակային հորատանցքերի, հետախուզաառանների անցմամբ եւ նմուշարկման միջոցով: 2023-ի սեպտեմբերին Իջեան համայնքի ղեկավար Արթուր Ճաղարյանին է դիմել «Էյթի Գրուպ» ՍՊԸ-ն, որին պատկանում է Վազաշենի ոսկի-բազմամետաղային հանքերեական տեղամասում երկրաբանահետախուզական աշխատանքների կատարման ընդերքօգտագործման իրավունքը: 2023թ. սեպտեմբերի 22-ին Իջեան համայնքի ավագանին որոշել է հավանություն տալ Վազաշեն բնակավայրի վարչական սահմաններում ընդգրկված 11-059-0146-0001 ծածկագրով հողամասից օգտակար հանածոների արդյունահանման նպատակով երկրաբանական ուսումնասիրություն կատարելու համար 6,924 հա մակերեսով տարածք «Էյթի Գրուպ» ՍՊԸ-ին հատկացնելու՝ համայնքի ղեկավարի առաջարկությանը՝ երկարաձգելով հողի սերվիտուտի պայմանագիրը մինչեւ 2024թ.-ի մարտի 24-ը, հետագայում այն երկարաձգելու հնարավորությամբ: Վազաշեն բնակավայրի վարչական ղեկավար Լորիկ Բաղիրյանը հայտնեց, որ հանրային լուսններին «Էյթի Գրուպ» ՍՊԸ ղեկավարները ներկայացրել են երկրաբանական ուսումնասիրությունների ծրագիրը, լուսններին մասնակցել են Վազաշենի բնակիչները, Տավուշի մարզպետարանի գյուղատնտեսության եւ բնապահպանության վարչության պետի տեղակալը, մարզպետարանի աշխատակիցներ, բնապահպանական ՀԿ-ների ներկայացուցիչներ: Վազաշենի բնակիչները կողմ են արտահայտվել երկրաբանական ուսումնասիրությունների ծրագրին, քանի որ Վազաշենի հողերի մեծ մասը գտնվում է աղբոքեղանական գիւնուժի վերահսկողության տակ, այդ ծրագիրը սահմանամերձ գյուղում որոշակի թվով աշխատատեղեր կապահովի: Բնապահպանական նկատառումներով ծրագրին դեմ են արտահայտվել Երեանից Ժամանած բնապահպանական ՀԿ-ների ներկայացուցիչներ: Երկրաբանական ուսումնասիրությունների նպատակով հորատանցքեր փորելու համար «Էյթի Գրուպ» ՍՊԸ-ն պետք է ստանա «Հայաստաթի» թույլտվությունը, քանի որ այդ տարածքը համարվում է անտառային հողերի գոտի: «Էյթի գրուպ» ՍՊԸ-ն գրանցվել է 2019թ. նոյեմբերին, այն հիմնադրել են Տավուշի մարզի Գետահովիտ համայնքում հաշվառված Արմեն Բորիսի Չապուխյանն ու Արաբկիր համայնքում գրանցված Տիգրան Արամի Ավետիսյանը:

ՈՍԿԱՆ ՍԱՐԳՅԱՆ
Տավուշ

ՀՀ ԴԱՏԱԽԱԶՈՒԹՅՈՒՆ

ԵՌՕՐՅԱ ԱՅՑՑ՝ ՆԻՂԵՐԼԱՆԻՆԵՐ

Հայաստանի Հանրապետության գլխավոր դատախազ Աննա Վարդապետյանը եռօրյա աշխատանքային այցով Նիդերլանդների Թագավորությունում է:



ՀՀ գլխավոր դատախազությունից հայտնում են, որ այցի շրջանակում Աննա Վարդապետյանը մարտի 5-ին հանդիպել է Նիդերլանդների Թագավորության գլխավոր դատախազ Սյու Փրինսենին (ՆԹ գլխավոր դատախազների խորհրդի անդամ):

Հանդիպմանը մասնակցել է նաև Նիդերլանդների Թագավորությունում Հայաստանի Հանրապետության արտակարգ եւ լիազոր դեսպան Կիկտոր Բիլագովը:

ՀՀ գլխավոր դատախազը շնորհակալություն է հայտնել գործընկերոջը հանդիպման պատրաստակամության համար եւ վստահություն հայտնել, որ հանդիպումը որակապես նոր փուլ կտեղափոխի երկու երկրների դատախազությունների միջև առկա համագործակցությունը:

Գլխավոր դատախազների գրուպի ընթացքում, ի թիվս այլևի, անդրադարձ է կատարվել քրեական գործերով համագործակցության արդյունավետության բարձրացմանը, փոխգործակցության շրջանակում շարունակական վերապատրաստումների միջոցով դատախազների մասնագիտական կարողությունների զարգացման անհրաժեշտությանը:

Այս համատեքստում Աննա Վարդապետյանը կարելի էր է Հայաստանում Նիդերլանդների Թագավորության դեսպանության աջակցությամբ իրականացվող ծրագիրը՝ ուղղված Հայաստանի բոլոր դատախազների հաղորդակցման հիմնությունների արդյունավետության բարձրացմանն ու զարգացմանը:

ՀՀ գլխավոր դատախազը գործընկերոջ հետ գրուպում անդրադարձել է Երեանում նախորդ տարի կայացած՝ դատախազության հիմնադրման 105-ամյակին նվիրված խորհրդաժողովի արդյունքներին եւ տեղեկացրել, որ այս տարվա ապրիլին կրկին Եվրոպայի խորհրդի աջակցությամբ Հայաստանում կանցկացվի բարձրաստիճան խորհրդաժողով՝ Եվրոպայի խորհրդի եւ անդամ պետությունների

բարձրաստիճան պաշտոնյաների մասնակցությամբ:

Խորհրդաժողովի նպատակն է համախմբել Եվրոպայի խորհրդի անդամ մի շարք երկրների բարձրաստիճան դատախազներին եւ միջազգային կազմակերպությունների ներկայացուցիչներին՝ քննարկելու այն մարտահրավերներն ու հեռանկարները, որոնք առկա են ապօրինի ծագում ունեցող գույքի բռնագանձման ոլորտում:

Միջազգային գործընկեր կառույցների հետ համագործակցության հարցերին անդրադառնալով՝ Աննա Վարդապետյանը կարելի էր է 2024 թվականին նախատեսվող Հայաստանի եւ Եվրոպայի միջև քրեական գործերով դատական համագործակցության մասին համաձայնագրի կնքումը եւ առանձնացրել շաբաթներ առաջ գրանցված ձեռքբերումը՝

ՀՀ գլխավոր դատախազության ընդգրկումը Շրջակա միջավայրի գործերով դատախազների Եվրոպական ցանցում (ENPE)՝ որպես դիտորդ:

Սյու Փրինսենի հետ գրուպում ՀՀ գլխավոր դատախազը ներկայացրել է նաև Դատախազության առաջնահերթությունները՝ ուղղված փողերի լվացման, ապօրինի ծագում ունեցող գույքի բռնագանձման, կոռուպցիայի, թմրամիջոցների ապօրինի շրջանառության եւ կիբերհանցագործությունների դեմ պայքարին:

Նիդերլանդների Թագավորության գլխավոր դատախազը Հայաստանի Հանրապետության գլխավոր դատախազության հետ համագործակցությունը խորացնելու պատրաստակամություն է հայտնել եւ անդրադարձել երկուստեք հետաքրքրություն ներկայացնող մի շարք հարցերի:

ՄՈՒԿԵՆԻՑԱՅՆԵՆԸ ՏԱՂԱՆԴՆԵՐԻՆ

ԱՌԱՋԻՆ ՆԵՐԴՐՈՒՄԱՅԻՆ ՀԱՄԱԺՈՂՈՎԸ

Ֆինանսական համակարգի ցկանման վստահության հարցը ԵՄ կարևոր է, այդ թվում՝ ազգային անվտանգության շեանկյունից: Այս մասին հայտարարեց Freedom Holding-ի հիմնադիր եւ գլխավոր սեփականատեր Թիմուր Տուրոլովը՝ «Հայաստանի կառուցողական քննարկումը» առաջադիտությունների հեռուստամիջոցում առաջին անգամ:

«Կարծում եմ սա եզակի հնարավորություն է, որը պետք է օգտագործենք, որպեսզի նոր տեխնոլոգիաներ բերենք, մոբիլիզացնենք այն հրաշալի տաղանդներին, որոնցով լի է Հայաստանը: Իրականում, ֆինանսական համակարգի նկատմամբ վստահության հարցը շատ կարևոր է, այդ թվում՝ ազգային անվտանգության տեսանկյունից: Որքան բարձր է ֆինանսական համակարգի նկատմամբ վստահությունը, այնքան բարձր է հասարակության բարեկեցության մակարդակը: Որքան շատ են հանրային կազմակերպությունները, այնքան տվյալ երկրում լավ է կազմակերպվում հարկահավաքությունը: Որքան շատ են ներդրողները, այնքան ավելի ակտիվ է տնտեսությունը»,- համաժողովի բացման իր խոսքում ընդգծեց նա:

Թիմուր Տուրոլովի դիտարկմամբ՝ որպես ներդրող՝ իրեն հետաքրքիր է այն քննարկումը, թե այսօր ինչ հնարավորություններ գոյություն ունեն Հայաստանի համար, եւ ինչպես կարող են ակտիվորեն օգտագործել այդ հնարավորությունները: «Ներկայումս «Freedom»-ն ավելի քան 1 մլն դոլարի կապիտալ ունեցող ընկերություն է, որը բազմաթիվ տաղանդավոր աշխատակիցներ ունի Հայաստանում, որոնք շատ ուրախ կլինեն իրենց ներդրումն ունենալ ֆինանսական այս ծրագիրը զարգացնելու գործում: Այդպես ավելի կայուն ֆինանսական համակարգ կունենանք եւ ավելի երկարաժամկետ ներդրումներ կկատարենք մեր զարգացման մեջ: Կարծում եմ սա իսկապես կարելի էր քայլ կլինի երկար ճանապարհի համար, որը կնպաստի մեր բարեկեցության աճին, ինչպես նաև Հայաստանի Եվրոպական ինտեգրացիային հատկապես այն ծրագրերի շրջանակներում, որոնցով հետաքրքրված է Հայաստանի կառավարությունը»:

Բանախոսը նկատեց՝ ֆինանսական շուկաները տարբեր կերպ կարող են զարգանալ. նրանք սկսում են զարգանալ, օրինակ, երբ ներդրողներն ազգային եւ օտարերկրյա արժեթղթեր են ներդնում, նաև կորպորատիվ արժեթղթեր են պարտատուներ:

Բանախոսը նկատեց՝ ֆինանսական շուկաները տարբեր կերպ կարող են զարգանալ. նրանք սկսում են զարգանալ, օրինակ, երբ ներդրողներն ազգային եւ օտարերկրյա արժեթղթեր են ներդնում, նաև կորպորատիվ արժեթղթեր են պարտատուներ:

● Անցած 3 օրվա ընթացքում հանրապետությունում արձանագրվել է ճանապարհատրանսպորտային 37 պատահար. 53 մարդ ստացել է տարբեր աստիճանի մարմնական վնասվածքներ:

ՍՈՑԻԱԼԱԿԱՆ

ՀԱՄԱՅՆՔ

ՆԱԽԱՊԵՍ ՉԵՆ ԶԳՈՒՇԱՑՐԵԼ

ArmLur.am-ը գրել էր, որ Երևանի քաղաքապետարանի հրամանով քանդվելու են Գայի պողոտայի սկզբնամասում Թաթուլ Կրպեյանի անվան այգու եւ Վալենտինա համալիրի միջեւ ընկած ինքնակամ կառուցված բնակելի 8 միավոր տները:

Նշենք, որ քաղաքապետարանի հաղորդմամբ՝ քանդման մասին Նախօրոք տեղեկացվել էր բնակիչներին, սակայն, բնակիչների պնդմամբ, ոչինչ էլ Նախօրոք չեն իմացել:

ArmLur.am-ը կապ հաստատեց Երևանի ավագանու «Ազգային առաջընթաց» կուսակցության անդամ Իզաբելա Աբգարյանի հետ (որը եղել է դեպքի վայրում)՝ պարզելու համար՝ հարցին ինչ լուծում է տրվել:

«Իմ տեղեկություններով՝ այսօր հանդիպում է ունեցել քաղաքապետի տեղակալը, որոշ ներկայացուցիչներ հանդիպել են նաեւ բնակիչների հետ, դեռ ընթացքում է, բայց այն, ինչ հասցրեցին այդ օրը քանդել, քանդել են իհարկե», - մեզ հետ զրույցում ասաց Աբգարյանը:

Աբգարյանի խոսքով՝ նա նաեւ տեղյակ է, որ այդտեղ եղել են ընտանիքներ, որոնք բնակվում էին եւ հիմա դարձել են անօթեան, սակայն նրանց առաջարկվել են ժամանակավոր կացարաններ:

«Մի ընտանիքի առաջարկվել էր ապրանքները տեղադրել մանկապարտեզում: Այդ մարդիկ, բնականաբար, դժգոհ են, որովհետեւ դա հարցի լուծում չէ իրենց համար: Քաղաքապետարանը մտադրություն է հայտնել, որ ամբողջը քանդելու է: Այստեղ հարցը նրանում է, որ տեղի է ունեցել ոչ իրավաչափ վարչարարություն, այսինքն՝ մարդկանց չի տրվել խելամիտ ժամանակ, որպեսզի նրանք կարողանան ազատել տարածքը կամ գտնեն իրենց բնակության համար այլ վայր: Այս գործողությունները առաջին օրը բարբարոսաբար իրականացվեցին, իրականացվեցին անապահով մարդկանց նկատմամբ, որոնք չէին կարող իրենց ապաստանել, եւ նույն ժամանակ, բնականաբար, տեսնելով դա՝ մյուսներն արդեն ժամանակ ունեին դիմելու դատարան, իսկ դա քաղաքացու իրավունքն է», - ասաց Աբգարյանը:

Աբգարյանը նաեւ նշեց, որ տարածքները, որոնք քանդվեցին, մաքսիմալ չափով կանաչ տարածքներ են եղել, որոնք տեղի բնակիչները իրենց ձեռքով են ստեղծել՝ քարերից ու օձերից մաքրելով:

«Իսկ որտեղ մեծ շինություններ են, այդտեղ նրանք չմտան այդ օրը: Սա, իհարկե, սարսափելի անարդար, ոչ իրավաչափ մոտեցում է քաղաքապետարանի կողմից», - ասաց Աբգարյանը՝ եզրափակելով զրույցը:

ԷՄԱՍ ՄԻՔԱՅԵԼՅԱՆ

ՔԱՂԱՎԻԱՑԻԱ

ԼՈՒՐՔ ԱՌԱՋԸՆԹԱՑ ԿԱ

Հայկական ինֆորմացիոնի դեղի Եվրոպա թռիչքների արգելքը վերացնելու ուղղությամբ լուրջ առաջընթաց կա. Հայաստանի ֆադաբազիական ավիացիան Եվրոպական միության գործընկերների հետ իրականացրել է մեծածավալ աշխատանքներ: Եվրոպական միության թռիչքային անվանագրության գործակալության կողմից արձանագրված 40-ից ավելի թերությունները վերջին երկու տարիների ընթացքում գրեթե ամբողջությամբ ԵՏՎԵԼ են:

«Արմենլայթս»-ի հետ զրույցում այս մասին նշեց ՀՀ քաղաքացիական ավիացիայի կոմիտեի նախագահի տեղակալ Ստեփան Փայասյանը՝ ընդգծելով, որ արգելքի սահմանումից հետո Քաղավիացիայի կոմիտեի եւ Եվրոպական միության թռիչքային անվանագրության գործակալության միջեւ կնքվել է երկու տարվա աջակցության պայմանագիր, որի շրջանակում շուրջ երկու տարի Եվրոպական միության երկու փորձագետներ ամենօրյա աշխատանքներ են իրականացրել ՀՀ քաղավիացիայի կոմիտեի այն վարչություններում, որտեղ արձանագրվել էին ամենամեծ անհամապատասխանությունները:

«Այն ավարտվեց նախորդ տարի՝ 2023 թվականի դեկտեմբերին, որից հետո ամփոփիչ քննարկումներ եղան Քյոլնում, այնուհետեւ՝ Երեւանում, որին ներկա էին Հայաստանում Եվրամիության ներկայացուցչության գրասենյակի եւ ուղորտի մի շարք միջազգային կառույցների ներկայացուցիչներ: Քննարկման ընթացքում արձանագրվեց հսկայածավալ աշխատանքի կատարողական, որն իրականացվել է մեր եւ Եվրոպական միության կողմից:

Այս երկու տարիների ընթացքում բոլոր կանոնները, օրենքները փոփոխելով՝ մենք հասել ենք այն կետին, որ առաջիկայում Եվրամիության մեր գործընկերներին կկարողանանք ներկայացնել արդեն իսկ փոփոխված կանոններով եւ օրենքներով պատշաճ վերահսկողությունը, որը նույնպես մի փոքր ժամանակ կպահանջի», - ասաց նա:

Փայասյանը նշեց, որ քննարկմանը նաեւ արձանագրվել է, որ գրեթե ամեն ինչ պատրաստ է առաջիկայում արգելքը վերացնելու գործընթացը սկսելու համար, սակայն դեռեւս կա որակավորված մասնագետների պակասը լրացնելու խնդիր, որին այս պահին քաղավիացիայի կոմիտեի դեռ բախվում է: Ըստ նրա՝ բոլոր գործընթացները եւ աշխատանքները պատշաճ իրականացնելու համար պետք է ունենալ համապատասխան քանակի մասնագետներ, որակավորված տեսուչներ, որոնք շատ նեղ մասնագետներ են: Այս պահին կոմիտեի մասնագետների



թիվը 50 տոկոսով պակաս է անհրաժեշտ քանակից:

«Այդ ուղղությամբ էլ կարող եմ նշել, որ կառավարության որոշման փոփոխությամբ 2023 թվականին կարողացանք ստեղծել երկու նոր բաժին, որը շատ կարևոր էր այս գործընթացներն իրականացնելու եւ թերությունները վերացնելու համար: Ինչպես նաեւ փորձեցինք կարգավորել աշխատավարձերի հարցը, քանի որ այս տեսակետից մրցակցության արդյունքում մասնագետները նախընտրում են աշխատել ավելի բարձր աշխատավարձով ավիաընկերություններում, իսկ այս փոփոխության արդյունքում կկարողանանք լրացնել մասնագետների պակասը: Այս պահին էլ այդ ուղղությամբ լուրջ քայլեր են իրականացվում, մասնավորապես՝ կարգերի վերապատրաստում միջազգային ստանդարտներին համապատասխան», - նշեց ՀՀ քաղաքացիական ավիացիայի կոմիտեի նախագահի տեղակալը:

Փայասյանը ուրախությամբ նշեց, որ նոր փոփոխության արդյունքում առաջին անգամ վերջին 3-4 տարիների ընթացքում Քաղավիացիայի կոմիտեից դուրս եկած եւ աշխատանքի ընդունված մասնագետների բալանսը փոխվել է:

Անդրադառնալով դեպի Եվրամիության երկրներ թռիչքներ իրականացնելու ար-

գելքի վերացման ժամկետներին՝ Փայասյանը նշեց, որ հստակ ժամկետներ նշելը դեռեւս դժվար է, բայց այն բավականին մոտ է, քանի որ Եվրոպական միության թռիչքային անվանագրության գործակալության կողմից արձանագրված 40-ից ավելի խախտումներն իրականացված մասով փակված են:

«Մեզ այս պահին մնում է իրականացնել մի քանի կարևոր վարչությունների անձնակազմերի համալրումը՝ հասցնելով այն համապատասխան քանակի: Կոմիտեի իր քայլերով ամեն ինչ անում է, որ դա հնարավորինս կարճ ժամկետում իրականացնի: Այս հարցը լուծելուց հետո շատ կարճ ժամկետներում արդեն կդիմենք Եվրոպական միության թռիչքային անվանագրության գործակալությանը՝ արգելքը վերացնելու նպատակով», - եզրափակեց նա:

Հիշեցնենք, որ 2020 թվականի ապրիլի 4-ին Քաղաքացիական ավիացիայի կոմիտեի տարածեց հայտարարություն այն մասին, որ թռիչքային անվանագրության Եվրոպական գործակալության եւ ԵՄ մասնագետները փետրվարի 3-7-ը աուդիտ են իրականացրել Քաղաքացիական ավիացիայի կոմիտեում եւ երկու հայկական ավիաընկերությունում: Աուդիտի արդյունքում արձանագրվել են 40-ից ավելի թերություններ եւ խախտումներ:

ՕՐԱՆՆԴԻՐ

ԱՐՑՄԱԽՑԻՆԵՐԸ՝ ԱՐԱՐԱՏՈՒՄ

2023թ. Արցախում Տեղի ունեցած սեռական բռնության իրադրություններից հետո Արարատի մարզում բնակություն է հաստատել շուրջ 14 հազար բռնի տեղահանված արցախցի:

Այս մասին ArmLur.am-ին տեղեկացրել են Արարատի մարզպետարանից: Անդրադառնալով արցախցիների զբաղվածությանը՝ մեզ փոխանցեցին, որ մարզպետի

աշխատակազմի ենթակայության տակ գտնվող ՊՈԱԿ-ներում աշխատանքի են անցել տարբեր մասնագիտությամբ 16 անձ: Միեւնույն ժամանակ հայտնեցին, որ մասնավոր զբաղվածության վերաբերյալ մարզպետի աշխատակազմում տեղեկատվություն առկա չէ: «Կառավարության կողմից աջակցություն են ստացել եւ շարունակում են ստանալ եւ՝ սննդի, եւ՝ անկողնային պարագաների, եւ՝ հիգիենա-

յի պարագաների տեսքով, ինչպես նաեւ ՀՀ կառավարության կողմից հաստատված ծրագրերով ֆինանսական աջակցություն: Մեր մարզի սպորտախալիճներում եւ հյուրատներում բնակվող Արցախից բռնի տեղահանված անձինք չկան», - հայտնեց մարզպետարանի աշխատակազմի գլխավոր քարտուղար Մարինե Ստեփանյանը:

ՆԱՆԿ ՄՈՍՅԱՆ

● «Ժողովուրդ» օրաթերթում եւ ArmLur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ՏԱՐԱԶ

ՆՈՐԱԶԵՎՈՒԹՅԱՆ ԱՌԱՋԻՆ ԴՐՄԵՎՈՐՈՒՄԸ

Մարդկության դասնության զարգացման ընթացքում մարդիկ սկսել են հագուստ կրել դեռևս քարե դարում...



Տարբեր տարածաշրջաններում հագուստը տարբեր էր՝ պայմանավորված բնակլիմայական պայմաններով...

գուստներ կրել է հարուստ խավը, իսկ միջին և աղքատ խավը կրել է բամբակ, վուշ, բուրդ:

կանայք, կարմիր և երկար շապիկի տակ կից կրել են կարմիր և երկար տաբատներ՝ ստորին մասում ավելի թանկարժեք գործվածքից:

Դարեր շարունակ ազգային տարազները ենթարկվել են բազմաթիվ ազդեցությունների և փոփոխությունների մինչև վերջնական ձևավորվելը:

Հայկական տարազը ձևավորվել է երկու՝ արևմտահայկական և արևելահայկական ուղղություններով, քանի որ դեռևս 4-րդ դարից Հայաստանը մասնատված էր:

Թեև Արեւմտյան և Արեւելյան Հայաստանում հայ ավանդական գարդարանքի պարագաները տարբերվել են, բայց ունեցել են որոշ ընդհանրություններ՝ գույնի, ձևի, իմաստաբանության առումով:

ՀՈՐԻ ԲԱՂԱՍՍՐՅԱՆ

ՄԱՐԶԱԿԱՆ

ՌԻՆԳ ԴՈՒՐՍ ԿԳԱՆ

Հայաստանը ներկայացնող բնօրգամարտիկները շարունակում են պայքարը Օլիմպիական խաղերի վարկանիշային մրցաշարում:

Մարտի 5-ին Իտալիայում ընթացող օլիմպիական վարկանիշային մրցաշարում ռինգ դուրս կգան Էլիդա Քոչարյան և Գուրգեն Մարտիրոսյան:

Քոչարյանի մրցակիցը Մեքսիկայից է, իսկ Մարտիրոսյանը՝ Սուդանից:

Նախօրեին՝ մրցումային առաջին օրը, ռինգ էին դուրս եկել 57 կգ քաշային Արթուր Բազեյան և 80 կգ քաշային Ռաֆայել Յուզիանյանը:

Հաջորդ մենամարտում Արթուր Բազեյանը ուժերը կչափի Պուերտո-Ռիկոյի ներկայացուցիչ Ժոզե Տիրադոյի հետ, իսկ Ռաֆայել Յուզիանյանը կմենամարտի բելգիացի Նոա Հաջիտի հետ:

ԿԱՆԱՆՑ ՖՈՒՏԲՈՒԼ

Շվեյցարիայի Նիոն քաղաքում կայացավ ֆուտբոլի կանանց Եվրոպայի առաջնության որակավորման փուլի վիճակահանությունը:

Այս մասին հայտնում է Հայաստանի ֆուտբոլի ֆեդերացիան: Հայաստանի կանանց ազգային հավաքականն ընդգրկվեց C լիգայի C4 խմբում, որտեղ նրա մրցակիցներն են Ռումինիան, Բուլղարիան և Ղազախստանը:

Յուրաքանչյուր թիմ կանցկացնի 6-ական հանդիպում, որոնք տեղի կունենան ապրիլից-հուլիս ընկած ժամանակահատվածում:

ՀԵՐԹԱԿԱՆ ՑՈՒՑԱՆԸ

Բասկետբոլի միջազգային ֆեդերացիան (FIBA) հրապարակել է հավաքականների դասակարգման վարկանիշային հերթական ցուցակը:

Այս մասին հայտնում է բասկետբոլի ֆեդերացիան: Հայաստանի հավաքականը, Նախորդ ցուցակի համեմատ, Նահանգներ է 1 հորիզոնականով ու հիմա 84-րդն է աշխարհի 160 ընտրանու թվում:

«Aeroflot Open 2024»

Հայաստանը ներկայացնող շախմատիստները շարունակում են պայքարը «Aeroflot Open 2024»-ում:

4 խաղափուլից հետո մրցաշարի առաջատարներն են ռուս գրոսմայստերներ Ալեքսանդր Գրիշչուկը և Իլյա Իլյուշենկոյը, ովքեր ունեն 3.5 միավոր:

Հայ գրոսմայստերներ Հովիկ Հայրապետյանը, Հայկ Մարտիրոսյանը, Սամվել Տեր-Սահակյանը և Մանուէլ Պետրոսյանն ունեն 3 միավոր և գտնվում են համապատասխանաբար 3-րդ, 11-րդ, 12-րդ և 16-րդ հորիզոնականներում:

Ֆիդե-ի վարպետներ Էրիկ Հակոբյանը և Ալեքս Սահակյանն ունեն 2.5 միավոր:

ՄԱՏԵՆԱԴԱՐԱՆ

ԸՆԾԱՅԱԲԵՐՄԱՆ ՀԱՆԴԻՄԱՎՈՐ ԱՐԱՐՈՂՈՒԹՅՈՒՆ

Օրենս Մատենադարանի քանգարանի Ընծայաբերման արահուստ սեղի է ունեցել բարերար Վահե Բաղայանի կողմից Մատենադարանին Հովհաննես Երեցի ընդօրինակած Ավեսարանի (15-րդ դար) ընծայաբերման հանդիսավոր արարողությունը:

Ի երախտագիտություն մեծարժեք ձեռագրի նվիրաբերման՝ նվիրատուին առաջին անգամ շնորհվել է «Մատենադարանի բարերար» ոսկե մեդալ: Բարերար Վահե Բաղայանի անունից Ոսկե մեդալը ստացել է նրա որդին՝ Ռոման Բաղայանը, որը Բաղայանների ընտանիքի անունից հանդես է եկել շնորհակալական խոսքով:

Նպաստող ձեր անգնահատելի ջանքերի համար: Բաղայան ընտանիքի համար մեծագույն պատիվ է «Մատենադարանի բարերար» առաջին ոսկե մեդալին արժանանալը: Այն ընդունում եմ պատկառանքով և ուրախությամբ՝ գիտակցելով, որ ես մեկ հնագույն ձեռագիր հասանելի կլինի ինչպես ապագա սերունդների, այնպես էլ միջազգային գիտական հանրության կողմից ուսումնասիրման համար», - նշել է Ռոման Բաղայանը:

Միջոցառումն անցկացվել է «Նվիրական անուններ. մատյանների տունդարձը» խորագրով ցուցադրության շրջանակում:

● Մարտի 26-ին «Արամ Խաչատրյան» համերգասրահում տեղի կունենա «Սամվել Երվինյան. 50 տարի ջութակի հետ» համերգը: Տոմսերի արժեքը՝ 3000-20000 դրամ: Սկիզբը՝ ժամը 19:30-ին:



ԿՐԹՈՒԹՅՈՒՆ

ՀԱՐՑ. Ո՞վ կարող է աշխատել որդես ուսուցիչ:
Համլետ Սահակյան (31 տարեկան)



ՊԱՏԱՍԽԱՆ. Համաձայն «Հանրակրթության մասին» ՀՀ օրենքի 26-րդ հոդվածի՝ ուսումնական հաստատության ուսուցիչ կարող է լինել այն անձը, որը ստացել է բարձրագույն կրթությամբ մանկավարժական համապատասխան որակավորում կամ ունի բարձրագույն կրթություն և վերջին տասը տարվա ընթացքում տվյալ առարկայի մանկավարժական (կամ ուսուցչական) գործունեության առնվազն հինգ տարվա աշխատանքային ստաժ:

Առնվազն մեկ անգամ հայտարարված մրցույթի արդյունքներով ուսուցչի թափուր տեղը սահմանված պահանջները բավարարող անձով չհամալրվելու դեպքում ուսուցչի տվյալ թափուր տեղի համար հայտարարված հաջորդ մրցույթին կարող է դիմել նաեւ՝


1) տվյալ առարկայի մասնագիտական ոլորտում բարձրագույն կրթություն ունեցող և տվյալ մասնագիտական կրթական ծրագրով կամ առանձին մոդուլներով իրականացվող դասընթացի միջոցով մանկավարժահոգեբանական և ուսումնամեթոդական հմտություններ ապահովող առնվազն 30 կրեդիտ հավաքած անձը,

2) բնագիտություն, տեղեկատվական հաղորդակցական տեխնոլոգիաներ, ճարտարագիտություն, մաթեմատիկա (ԲՏԾՄ) առարկաների մասնագիտական ոլորտում բարձրագույն կրթություն ունեցող անձը՝ աշխատանքի ընդունվելուց հետո՝ մեկ տարվա ընթացքում, մանկավարժահոգեբանական ու ուսումնամեթոդական հմտություններ ապահովող մոդուլներով իրականացվող դասընթացի միջոցով առնվազն 30 կրեդիտ հավաքելու պայմանով:

ՀՀ ԿԳՄՍ Նախարարություն

«ԺՈՂՈՎՈՒՐԳ». 1-ին և 2-րդ կետերով սահմանված դասընթացը կարող է կազմակերպել կրթության պետական կառավարման լիազորված մարմնի երաշխավորած կազմակերպությունը կամ բարձրագույն ուսումնական հաստատությունը՝ կրթության պետական կառավարման լիազորված մարմնի երաշխավորած կրթական ծրագրով (մոդուլով):

ԵՂԱՆԱԿԻ ՏԵՍՈՒԹՅՈՒՆ



Շիրակ	-9 - 12 +4 + 9
Կոտայքի լեռներ	-8 - 12 +5 + 8
Կոտայքի նախալեռներ	-5 - 8 +8 + 10
Գեղարքունիք	-8 - 13 +3 + 6
Լոռի	-6 - 10 +8 + 10
Տավուշ	-4 - 7 +8 + 11
Արագածոտնի լեռներ	-8 - 12 +3 + 6
Արագածոտնի նախալեռներ	-5 - 7 +8 + 11

Արարատ	-4 - 7 +11 + 13
Արմավիր	-4 - 8 +10 + 13
Վայոց ձորի լեռներ	-3 - 7 +3 + 6
Վայոց ձորի նախալեռներ	-3 - 7 +10 + 12
Սյունիքի հովիտներ	-4 - 7 +11 + 14
Սյունիքի նախալեռներ	-9 - 13 +7 + 10
ԼՂՀ	-9 - 10 +7 + 9
Երեւան	1 - 3 +8 + 10

ԼՈՒՐ ԿԱԴՐ

Լուսանկարը՝ համացանցից



Լրագրող Արտյոմ Երկանյանն իր ֆեյսբուքյան էջում տեղադրել է սպարապետ Վազգեն Սարգսյանի նկարը՝ կից գրելով. «Ողբերգությունից 1 ամիս առաջ էր»:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել



«Հայմամուլ» ՓԲԸ
հեռ. 45-82-00, 45-19-11

«Հայփոստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ ԱՆՎՃԱՐ:

Ձեզ հետաքրքրող ցանկացած հարցով կարող եք դիմել «Շողովուրդ» օրաթերթի խմբագրություն (010 54-64-23 հեռախոսահամարով), և մենք անպայման կանդրադարձնանք ձեր բարձրացրած բոլոր խնդիրներին:

ԱՌԱՋԱՐԿ
հայկական տպագիր մամուլից

«Շողովուրդ» օրաթերթին բաժանորդագրվելու համար կարող եք լրացնել հետևյալ բլանկը և ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային ես/կամ քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.

Լրատվական գործունեություն իրականացնող՝ «Շողովուրդ թերթի խմբագրություն» ՍՊԸ
Հասցեն՝ ք. Երեւան, Աբովյան 22^ա/3, հեռ.՝ 010 54-64-23
Պետական գրանցման վկայականի համարը՝ 03Ա089086
տրված է 24.11.2010
Ստորագրված է տպագրության 5.3.2024

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆԴ» տպարան ՍՊԸ հրատարակչությունում
խմբագրություն հանձնված նյութերը չեն գրայնաչափում և չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Շողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Շողովուրդ» օրաթերթի այսօրվա համարում»: